

方以類聚

霍亂

十二卷

揮霍變亂。起於倉卒。與中惡相似。但有吐利爲異耳。
心腹卒痛。嘔吐下利。憎寒壯熱。頭痛眩暈。先心痛則
先吐。先腹痛則先利。心腹俱痛。吐利并作。甚而轉筋
入腹。則斃。蓋陰陽反戾。清濁相干。陽氣暴升。陰氣頓
墜。陰陽痞隔。上下奔迫。宜別三因調之。外因傷風。則
惡風有汗。傷寒則惡寒無汗。傷濕則重著。傷暑則煩
熱。內因九氣所致。鬱聚痰涎。痞隔不通。遂致悶亂。隨

其勝復必作吐利。或飽食膾炙。恣餐乳酪。過用寒漿。旨酒。胃既膈脹。脾藏停疑。必至鬱發。遂成吐利。不內外因也。河間謂三焦爲水穀傳化之道路。熱氣甚則傳化失常。而吐瀉霍亂。火性躁動故也。轉筋者。亦脾胃土衰。肝木自甚。熱氣燥爍于筋。筋攣而痛也。子和謂風濕暍。三氣合而爲邪。蓋脾濕土爲風。木所尅。鬱則熱。乃發。發則心火炎上。故嘔吐。嘔吐者暍也。脾濕下注。故注泄。注泄者濕也。風急甚。故轉筋。轉筋者風

也。潔古戒粥飲。丹溪重吐提。若明理論。謂傷寒吐利者。由邪氣所傷。霍亂吐利者。由飲食所傷。其有兼傷寒之邪。內外不和者。加之頭痛發熱而吐利者。是霍亂傷寒也。

○霍亂吐利。扁豆香薷各一升。水六升。煮二升。分服。
○綠豆粉白糖各二兩。新汲水調服。

○防己白芷等分。爲末。新汲水服二錢。

○山豆根末。橘皮湯下三錢。

○梨枝煮汁飲

○偷本人頭繒以百沸湯泡汁服一呷

○生藕搗汁服

○扁竹入豉汁中下五味煮羹食

○鹽酢煎服

○肉豆蔻爲末薑湯服一錢

○屋下倒挂塵滾湯泡澄清服

○火炙高良薑令焦香每用五兩以酒一升煮三四

沸頓服

○黃蠟一彈丸熱酒一升化服

○鹽梅煎湯細細飲之

○胡椒三十粒以飲石之

○直指用胡椒四十九粒綠豆一百四十九粒研勻

木瓜湯服一錢

○蜣螂轉丸湯淋絞汁服

○鍋底墨煤半錢竈額上墨半錢白沸湯一盞急攪

數千下以盥覆之通口服一二口

○酸漿水煎乾姜屑呷之

○綠豆葉絞汁和酢少許溫服

○硫黃一兩胡椒五錢爲末黃蠟一兩化丸阜子大

每宗水下一圓

○芥子搗細水和傅臍上

○勿食熱物飲冷水一盃仍以水一盆浸兩足

○路旁破草鞋去兩頭洗三四次水煎湯一盃服

○吐瀉不止附子重七錢者炮去皮臍爲末每四錢水二盞鹽半錢煎一盞溫服

○四肢逆冷用黃牛屎半升水二升煮三沸服半升
○聖惠用烏牛糞絞汁一合以百日兒乳汁一合和溫服

○以艾一把水二升煮一升頓服

○烏牛齒草一團人葎生薑各三兩甜漿水一升半煮汁五合服

○白梁米五合水一升煮粥食

○冷熱霍亂分利陰陽立精石半夏各一兩硫黃三錢爲末麴糊丸梧子大每服三十

○風痰霍亂食不消大便瀼訶梨三枚取皮爲末和酒頓服三五次

○吐瀉垂死者用藿香葉陳皮各半兩水二盞煎一盞溫服

○聖惠用陳橘皮末二錢湯點服不省者灌之

磚沃酢布裹磚安心下熨之

○腹脹不得吐下用生薑一斤水七升煮二升分三服

○半夏桂等分爲末水服方寸匕

○生蘇搗汁飲之乾蘇煮汁亦可

○煩滿氣逆手足厥冷不灰木陽起石煨阿魏各半兩巴豆去心杏仁去皮各二十五箇爲末栗飯丸櫻桃大穿一孔每服一圓燈上燒烟盡研米薑湯

下以利爲度

○煩脹未得吐下以好苦酒三升飲之

○脹痛用蘆根一升生薑一升橘皮五兩水八升煎
三升分服

○大豆生研水服方寸匕

○生薑蒲剉四兩水和搗汁分溫四服

○蕪青子水煮汁飲之

○脹悶不通欲死因傷飽取涼者用雄雀糞二十一

粒研末溫酒服

○腹痛用高良薑一兩剉以水三大盞煎二盞半去滓入粳米一合煮粥食之

○桃葉三升切水五升煮一升分二服

○木瓜五錢桑葉三片棗肉一枚水煎服

○聖惠用厚朴薑汁炙研末新汲水服二錢

○炒鹽一包熨其心腹令氣透又以一包熨其背

○嘔甚不止用高良薑生剉二錢大棗一枚水煎冷

服

○嘔惡用人蔞二兩水一盞半煎汁一盞入雞子白一枚再煎溫服一加丁香

○中惡月海桐皮煮汁服之

○因噎用雞蘇三兩水二升煎一升分三服

○童女月經衣和血燒灰酒服方寸匕

○生薑五兩牛兒屎一升水四升煎一升分再服

○厥逆者服烏牛溺二升

十二卷

○忽喘悶絕不能語言涎流吐逆牙齒動搖氣出轉
大絕而復蘇名傷寒併熱霍亂大黃人葭各半兩
水二盞煎一盞熱服

○水浸丹治伏暑霍亂傷冷吐利用巴豆二十五箇
去皮臍及油黃丹炒研一兩二錢半化黃蠟和丸
綠豆大每服五七粒水浸少頃別以新汲水吞下
○二氣散一名青金丹治霍亂吐逆不問虛實冷熱
用水銀硃黃等分研不見星每服一字至半錢生

薑湯下

霍香正氣散治傷寒頭疼憎寒壯熱或感濕氣霍
亂吐瀉常服除中暑瘴氣伏暑吐瀉轉筋大腹皮
白芷茯苓蘇莖葉霍香各三兩厚朴白朮陳皮去
白芍梗半夏各二兩炙甘草一兩共咬咀每三錢
薑三三棗一枚煎熟服加香薷扁豆黃連各霍藿
湯

人復散治脾胃虛寒霍亂吐瀉心煩腹痛飲食不

十二卷

人參厚朴薑製橘紅各一錢當歸乾薑炮甘草
炙各五分水一盞棗一枚煎七分溫服

○訶子散治老幼霍亂訶子炮去核甘草炙厚朴薑
製乾薑炮神麴炒草果去殼良薑炒茯苓麥芽炒
陳皮各等分共爲細末每二錢候發不可忍時用
水煎入鹽少許服之

○香薷散治陰陽不順清濁相干氣鬱中焦名爲霍
亂蓋因飽食臥冷外邪內積結而不散陰陽二氣

壅而不反陽氣欲降陰氣欲升陰陽交錯變成吐
利百脉混亂榮衛俱虛冷搏筋轉用厚朴去皮薑
汁炒黃連薑汁炒各二兩香薷四兩甘草半兩共
爲末每四錢不犯鐵器慢火水煎井中沉冷極冷
頓服

○桂苓甘露飲流濕潤燥治痰涎止欬嗽調臟腑寒
熱嘔吐及治水腫泄利肉桂藿香人葎各半兩木
香二錢半白茯苓去皮白朮甘草澤瀉葛根石膏